

**FUAFUAGA TATAU MO LE VA'AIA LELEI
O I'A MA FIGOTA**

O LE AFIO'AGA O

SAPINI - i - FAGA

Aso 26 Aperila 2006

Insert picture

SAUNIA:

Pule mamalu a Alii ma Faipule ma tagatanu'u o le afio'aga o SAPINI i FAGA faatasi ma le lagolagosua a le Vaega o Faigafaiva a le Matagaluega o Faatoaga ma Faigafaiva


1	Fa'alupega o le Afioaga o Sapini.....	3
2	Fa'atomuaga.....	3
3	Autu.....	4
4	Faamatalaga e uiga i le Afio'aga.	4
5	Ituaiga Faigafaiva ta'atele.....	5
6	Tulafono faa-le-nuu e fesootai ma le siosiomaga o le gataifale o Sapini i Faga.	5
7	Tapenaga o lenei Fuafuaga Tatau	5
7.1	Feiloaiga muamua ma le uluai fono ma le afio'aga.....	5
7.2	Faatalatalanoaga i Vaega e tolu	6
7.3	Komiti Faufautua mo le vaaia lelei o i'a ma figota (KFVL)	7
7.4	Filifilia o le Komiti mo le Pulea ma le Faamalosia o Fuafuaga.....	7
8	Fuafuaga Faataatitia.....	7
8.1	“Faamalosia Tulafono faale nuu e faasaina ai faigafaiva le talafeagai”	8
	Tulafono:.....	8
	Faasalaga:.....	8
	Fuafuaga faataatitia a le Vaega o Faigafaiva.....	8
8.2	Ia faasaina ona toe lauina le oneone mai le gataifale.....	8
	Tulafono:.....	9
	Faasalaga:.....	10
8.3	Ia faasaina ona toe Lafoa'i lapiasi i le sami ma le matafaga.....	9
	Tulafono:.....	9
	Faasalaga:.....	9
8.4	Ia aoina ma faatamaia alamea	10
	Fautuaga.....	10
8.5	Ogasami Faasaoina	10
	Tulafono:.....	11
	Faasalaga:.....	11
8.6	Ia iloiloa tulaga talafeagai o le gataifale mo le faasaoina.....	11
8.7	Talosaga:.....	12
8.8	Maliliega:.....	12
8.9	Toe iloiloa o lenei Fuafuaga Tatau	12
8.10	Upu Mulimuli:	13
9	Faamatalaga 1 :	14
	Faamataga e uiga i le afio'aga o SAPINI I FAGA.....	14
10	Faamatalaga 2: Ituaiga Faigafaiva e fa'atinoaina i aso uma.....	15
11	Fa'amatalaga 3: I'a ma Figota	16
12	Fa'amatalaga 4: Tulafono a le Afio'aga i le puipuiga o le gataifale.....	17
13	Fa'amatalaga 5: Fa'amatalaga ma fa'amaumuga sa aoina i taimi o fa'atalatalanoaga i vaega e 3.....	17
14	Fa'amatalaga 6:.....	19
	Sui o le afio'aga sa auai i faatalatalanoaga	190

1 Fa'alupega o le Afioaga o Sapini

*Afio o le Aiga Sa-Unasā
Afio fo'i Sooa'emalelagi ma Lefineali'i
Ma upu i ate oe Taipinipini.*

2 Fa'atomuaga

O faigafaiva i Samoa e taua tele aua o se tasi lea o auala e maua ai le fofoga taumafa aemaise lava i nu'u ma afio'aga i tua. I le tele o afio'aga, latou te le o fa'atauaina le va'aia lelei o le tamaoaiga ma le si'osi'omaga o le gataifale. O le aumaia ma le fa'aaogaina o ituaiga faigafaiva faa-onapo nei e i ai mea manava, upega/tili mataninii, ma vaila'au 'oona e fa'amata faigofie ma tele ai i'a maua, ae o lo o fa'atama'ia ai le si'osi'omaga o le gataifale ma ona tamaoaiga. O le fa'atinoia foi o atina'e i luga o le gataifale ua fa'aleagaina ai le tele o nofoaga ma le miliona o meaola o le gataifale. Ina ia fa'asoina mai lea tulaga, ua fa'atuina ai e le Vaega o Faigafaiva o le Matagaluega o Fa'atoaga ma Faigafaiva se Polokalame mo le Pulega o le Si'osi'omaga o le Gataifale, ma le Vaa'ia lelei o i'a ma figota, ina ia fesoasoani i le fausiaina o se Pulega faa-faigafaiva i nu'u ma afio'aga e fa'asao, pulea ma fuafua tatau le faaaogaina o le tamaoaiga o le gataifale o Samoa.



O se va'aiga matagofie lenei i le afio'aga o Sapini i Faga

O lenei fuafuaga o le Pulega o le Si'osi'omaga o le Gataifale ma le Va'aia lelei o i'a ma figota sa saunia e Alii ma Faipule ma tagatanu'u o le afio'aga o Sapini, faatasi ma le lagolagosua a le Vaega o Faigafaiva o le Matagaluega o Fa'atoaga ma Faigafaiva.

3 Autu.

“Puipuiga o le Siosiomaga o le Gataifale ma le toe faatupulaia o i’a ma figota mo tupulaga ole lumanai.”

O le autu lena sa fa’atalatalanoaina ma malilie autasi ai vaega e tolu o le Afio’aga o Sapini i taimi o faatalatalanoaga.

4 Faamatalaga e uiga i le Afio’aga.

O le Afio’aga o Sapini i Faga e i le itu i Matu i Sasae o le motu o Savai’i ma o lona faitauaofai e tusa ma le 250 aofia ai Matai Tina ma Tamaitai, Aumaga ma tamaiti. E le o aofia ai i latou ua faimalaga atu i atunuu i fafo, e iai Niu Sila, Ausetalia ma le Iunaite Setete o Amerika.

E lua ni tapuaiga i totonu o le Afio’aga o le **Penetekoso** ma le **Katoliko**. O alo ma fanau o le afio’aga o loo aga’i uma i le i le Aoga Tulagalua Faga.

	Insert pictures

O Sapini i Faga e iai lona aau e mai lava i le itu i sasae seia paia le itu i sisifo i le mamao pe a ma le 200 mita mai le matafaga. O le vaega pito loloto o le aloalo e tusa ma le valu futu i taimi e sua ai le tai ao nisi vaega e fitu futu pe a pe le tai.

O lenei Afio’aga e mamalu tele ona pulega aua e pulea lava e le pule mamalu a Alii ma Faipule o le Afio’aga. O le aumaga e lava saunia i taimi uma aua le tautuaina o matai,a o tina latou te avatuina fautuaga i mataupu tau i loto i fale ole Afio’aga.

5 Ituaiga Faigafaiva ta'atele.

E tele ituaiga faigafaiva e mafai ona faatinoina i le aloalo o le afio'aga o Sapini. O nisi o nei ituaiga faigafaiva e i ai matatao, tosotoso, ma le fa'aaogaina o upega (e tele ina faatinoina e alii) mo le fofoga taumafa a le aiga pe faatau foi. O le faatinoina o faigafaiva le talafeagai e i ai fanaia ma 'ava niukini ua matua faasaina lava i lalo o le pulega mamalu a Alii ma Faipule.

O le tele o i'a sa maua i aso ua mavae ua faigata ona maua i aso nei. O i'a o le aloalo e i ai lo, poge/alogo, fuafua/anae ma mataleele sa tele ma faigofie ona maua i le 30 tausaga talu ai. E oo foi i figota e i ai le faisua ma fugafuga/mama'o ua tele ni itula e faaaluina i fagotaga faatoa maua se meaai mo le aiga faatusatusa i le 30 tausaga ua mavae.

6 Tulafono faa-le-nuu e fesootai ma le siosiomaga o le gataifale o Sapini i Faga.

O Sapini e i ai ona tulafono e faasaina ai faigafaiva le talafeagai ona faatinoina i o latou gataifale. I le taimi nei, e le o i ai se tulafono e faasaina ai tagata mai isi afio'aga ona toe fagotaina gataifale o lenei afio'aga.

7 Tapenaga o lenei Fuafuaga Tatau

O lenei tapenaga sa saunia lava e le pule mamalu a Alii ma Faipule, ma tagatanuu o le afio'aga o Sapini faatasi ai ma ni fautuaga ma le lagolagosua a le Vaega o Faigafaiva a le Matagaluega o Faatoaga ma Faigafaiva. O se oototoga lenei i le tapenaga o lenei Fuafuaga ina ua maea ni fonotaga sa faia ua taua i lalo.

7.1 Feiloaiga muamua ma le uluai fono ma le afio'aga.

O lenei feiloaiga muamua na fa'afesootaia lea e le susuga a Totive Aloaina (SFO) o le Ofisa o Faigafaiva i le aso 1 o Fepuari 2006 ona o se talosaga mai le afioaga o Sapini mo se fesoasoani mo lo latou gataifale.

O lea na tauaofia ai le afioaga ma le vaega o Faigafaiva i le aso 17 o Fepuari 2006 mo le talia aloaia o lenei polokalame.



❖ **FONO MUAMUA**

O se vaiga lenei i le Fono Muamua na faatinoina e le afioaga o Sapini ma le Ofisa o Faigafaiva i le Aso Faraile 17 Fepuari 2006.

7.2 *Faatalatalanoaga i Vaega e tolu*

O le taua o lenei faatalatalanoaga ina ia vaevaeina le afio'aga i vaega e iai le pule mamalu a Alii ma Faipule, Komiti a Tina ma Tamaitai ma Aumaga. O nei vaega e tolu sa faatalatalanoaina e sui o le Vaega o Faigafaiva. O le autu tonu o nei faatalatalanoaga ina ia mafai e le afio'aga ona faailoa mai faafitauli o lo o alia'e mai le siosiomaga o lo latou gataifale, ma sailia ai ni aafiaga ma ni mafuaaga o nei faafitauli, aemaise o ni fofo, faatinoga ma i latou e faatinoina nei fofo ua ta'ua. O lenei faatalatalanoaga sa faia i le Aso 8 o Mati 2006.



❖ **FAATALATALANOAGA**

O faatalanoaga i vaega o Alii ma Faipule, Tina ma Tamaitai ma Aumaga. O le amataga lenei o le Fonotaga ae lei vaevaeina i vaega e tolu e pei ona taua i luga. Faatinoina i le Aso Lulu 08 Mati 2006.

7.3 Komiti Faufautua mo le vaaia lelei o i'a ma figota (KFVL)

O le matafaioi a lenei Komiti o le tuufaatasia lea o faamaumauga ma faamatalaga mai vaega taitasi ma sa mafai ona latou tapenaina se ata faataitai o le tusi taiala mo faigafaiva ua fa'aautuina o le “*Fuafuaga Tatau ma le Vaaia Lelei o i'a ma figota*” o le afioaga o Sapini.

Insert pictures

Ata o le Komiti mo le Va'aia lelei o i'a ma figota

7.4 Filifilia o le Komiti mo le Pulea ma le Faamalosia o Fuafuaga.

Matai	Tina/Tamaitai	Aumaga
Tuileutu Alavaa (<i>Pulenuu</i>)	Eseta Fagā Nuulelei	Naseli Pe'ape'a
Pule Uelese	Lagi Emosi	Kereti Unasa
Fagā Nuulelei	Seela Fagā Samuelu	Agelū Enoka
Nuutofi Lemoa	Logo Naseri	Emosi Ioane

E tai toafa sui filifilia mai vaega e aofia ai le Pule a Ali'i ma Faipule, Tina ma Tamaitai ma le vaega o Aumaga.

O lenei Komiti sa filifilia mai e le fono a Ali'i ma Faipule, latou te mata'ituina fuafuaga faataatitia a le Afio'aga. A maea le pasiaina aloaia o le Tusi Taiala ma ua lelei atoatoa, ona feso'ota'i lea o le Vaega o Faigafaiva ma le Komiti mo le Vaaia lelei o i'a ma figota i tulaga uma lava e manaomia ai le fesoasoani e pei ona autasi ma tamauina i lenei Tusi Taiala.

8 Fuafuaga Faataatitia.

O fuafuaga faataatitia o ni gaioga ua faamoemoe e faaono foia ai faafitauli ua faalia mai e vaega eseese o le Afio'aga. E lua (2) ituaiga fuafuaga faataatitia ua fuafuaina ma o le fuafuaga ua aupito sili ona taua o fuafuaga faataatitia lea ua faaagaga mo nuu poo afio'aga. O le isi vaega o fuafuaga faataatitia ua faamoemoe lea mo le Vaega o Faigafaiva ma o lenei fuafuaga o le a tuuina atu ai fautuaga ma fesoasoani aua le tapenaina o le faamoemoe e faatino ai fuafuaga faataatitia mo le Vaega o Faigafaiva e ao ona faamaonia e le Pule Sili Lagolago a le Vaega o Faigafaiva a le Matagaluega o Faatoaga ma Faigafaiva.

I taimi o faatalatalanoaga i vaega taitasi e tele ni mafuaaga sa fa'ailoa mai ae auga lava i le faafitauli ogaoga o le faaitiitia lea o i'a ma figota i le aloalo ma aau o le Afio'aga. O mafuaaga ma o latou aafiaga i le siosiomaga o le gataifale sa faapea ona iloiloina ma sailia ai ma le tali o le faafitauli ma fofu e foi'a ai. E le gata i lea sa faailoa mai ai foi ma i latou e faatinoina nei galuega.

8.1 “Faamalositia Tulafono faale nuu e faasaina ai faigafaiva le talafeagai”

Otootoga

Na faaalua e vaega taitasi i taimi o faatalatalanoaga o loo fa’auauina pea le faaaogaina e faifaiva o ava niukini ma vailaau o’ona i fagotaga. O nei faigafaiva le talafeagai ua mautinoa lo latou tulaga ogaoga i le faatamaiaina o le siosiomaga o le gataifale e pei o i’a laiti aemaise o nofoaga taua mo meaola o le sami e iai amu. O le faaleagaina o le gataifale mai nei auala faaigafaiva e umi ma tele se taimi e toe faafoi ai i le lelei sa iai.

Fuafuaga faataatitia a le Afio’aga.

Talu ai ona o le tulaga pagatia ua iai le Gataifale o leni Afio’aga o Sapini o lea ua a’e ai se finagalo autasi i le Komiti ua filifilia ina ia matua faamalositia loa tulafono a le Afio’aga e faasaina ai faigafaiva le talafeagai e pei o fanaia, ava niu kini ma vailaau oona. O le puipuiga ma le faamamaluina o nei tulafono o le a i aao lava o le pule mamalu a Alii ma Faipule faatasi ai ma le lagolagosua a tagata nuu o le afio’aga.

Fautuaga:

Ia toe faamalositia ma faamamaluina tulafono ua taua i lalo a le Afio’aga mo le faasaina o faigafaiva le talafeagai.

Tulafono:

Ua matua faasaina lava faigafaiva le talafeagai e pei o fanaia, ava niu kini, ma vailaau oona ona toe faatinoina i gataifale poo le nofoaga faasaoina a leni afio’aga.

Faasalaga:

So’o se tasi o le afio’aga poo tagata mai isi afio’aga e solia leni tulafono o le a faasalaina i le \$200.00, ao i latou mai nuu tuaoi, a le utagia o le a molia sa’o i le Tulafono o Faigafaiva a le Malo Samoa.

Fuafuaga faataatitia a le Vaega o Faigafaiva.

O le a fesoasoani le Vaega o Faigafaiva mo le faatinoina o fuafuaga faataatitia a le Afio’aga e ala atu i lana polokalame fesoasoani i aoaoga tau faigafaiva.

8.2 Ia faasaina ona toe lauina le oneone mai le gataifale.

Otootoga

O se tasi leni vaega o loo aofia i tulafono a le afioaga ua maea ona talanoaina, ma o le a toe silasila foi i ai le pule mamalu a Alii ma Faipule ina ia mafia ona saga unaia pea lona malu puipuia ma le faamamaluina mo le lelei o le gataifale. O le talitonuga a faatupulaia pea le lauina o le oneone mai le gataifale, o le a tulai mai i se tulaga maaleale ma le sologa lelei le siosiomaga i le lumanai.

Fuafuaga faataatitia a le Afio'aga

Ua uma ona tapenaina e le Afioaga se tulafono mo le puipuia o le gataifale mai le lauina o le oneone. Ma na faaalua e le komiti, o le tasi lea vaega o loo maitauina pea e le afioaga le lauina pea e nisi e aunoa ma le silafia e le afioaga.

Fuafuaga a le Ofisa o Faigafaiva.

O le a fesoasoani le Ofisa mo le tapenaina o lea Tulafono aua lava le faamalositia faaletulafono a le Malo.

Tulafono:

“Ua matua faasaina ona toe lauina le oneone mai le matafaga o leni afioaga.”

Faasalaga:

“So'o se tasi o le afioaga n ate lauina le oneone e aunoa ma se faatagana mai le Pule mamalu a Alii ma Faipule, o le a faasalaina i le \$100.00.”

“Mo tagata mai isi afioaga e \$1,500.00 lona faasalaga.”

8.3 Ia faasaina ona toe Lafoa'i lapisi i le sami ma le matafaga.

Otootoga

O lapisi lafoai e i ai uamea, atigi apa, pepa iila ma isi e avea ma ala e faamanualia ai aao o le aufaifaiva. E le gata i lea o le a faaleagaina ai le siosiomaga o le gataifale ma faatamaia ai nofoaga mo meaola o le sami. E le talafeagai foi i le silasila a le afio'aga poo tagata tafafao mai, se matafaga e lafoai ai nei ituaiga o lapisi.

Fuafuaga faataatitia a le Afio'aga

O le a faamalositia e le Afio'aga fuafuaga ma aiaiga e faasaina ai ona toe lafoai lapisi e pei ona taua i luga i le matafaga ma le sami. Ua saunia foi e le Afio'aga fata lapisi ma lagolagoina polokalame a le malo o loo aoina ai lapisi.

Tulafono:

“Ua matua faasaina soo se tasi ona toe lafo'ai soo se ituaiga o lapisi i le matafaga ma le sami”

Faasalaga:

“Soo se tasi e le usitaia leni tulafono o le a faasalaina i le \$50.00.”

Fuafuaga faataatitia a le Ofisa o Faigafaiva

O faamatalaga eseese e faatatau i aafiaga o le siosiomaga o le gataifale ma ona tamaoaiga o le a fesoasoani atu ai le Ofisa o Faigafaiva e a'otauina ai le afioaga i le taua o le teu maluina o lapisi ma otaota i nofoaga talafeagai. O le a faia foi se polokalame i le televise e falauiloa atili ai le taua o le siosiomaga mama.

8.4 Ia aoina ma faatamaia alamea

Otootoga

O le alamea o se meaola o le ituaiga o le aveau ma e nofo i luga o le aau. O lenei meaola e na te aiina meaola ninii ua taua o polipe o loo tutupu mai ai amu. A oo ina faateleina lenei meaola o le a faaapena ona latou faatamaia se vaega tele o le aau ma avea ai o se tulaga pagatia o le a feagai ma le tele o meaola o loo faalagolago i le aau mo nofoaga ma meaai. E le mafai ona faaumatia pe tapeina le alamea i le sami pe a vaevaeina lona tino aua e mafai e nei itutino ona faatupuina mai ai nisi alamea fou, seia vagana lava ua aumaia i uta i le pa'umatu e faamagoina ai pe tanumia foi.

Fuafuaga faataatitia a le Afio'aga.

Ua faailoa mai e le Afio'aga o le alamea o se tasi lea o faafitauli o loo iai i le gataifale. E le gata i le faatamaia ai o amu ae aafia ai foi le soifua o tagata faifaiva, ma ua tuuina atu ai faafautuaga e le Komiti faafautuaga mo le Vaaia lelei o i'a ma figota (KFVL) ia fautuaga e pei ona taua.

Fautuaga

Ua fautuaina e le Komiti (KFVL) le mamalu o le autautai o le afio'aga ina ia aoina i uta alamea ma faalala i le paumatu pe tanumia foi pe a vaaia i taimi i fagotaga. E mafai foi ona avea ose faalelei eleele i togalaau.

Fuafuaga faataatitia a le Ofisa o Faigafaiva

E leai se polokalame a le malo ua fuafuaina e tofogi ai le faatamaia o le alamea vagana ai ni fautuaga e fesoasoani atu ai le Ofisa o Faigafaiva i auala talafeagai e tineia ai lenei meaola faalafua e ala atu i pepa o Faamatalaga ua maea ona saunia.

8.5 Ogasami Faasaoina

Otootoga

Sa faaalua e le Afio'aga o le vave faatupulaia o le tamaoiga o le avea lea ose vaega o le gataifale ma vaega faasao, e vave ai ona toe faatupulaia le faitauaofai o i'a ma figota. O lenei vaega faasao o le a faasaoina ai amu 'aau faapea foi i'a ma figota ina ia mafai ona maua e nei meaola le avanoa e tautuufua ma fanafanau ai. O le autu taua lava o le a avea lenei faasao ma punaaga o i'a ma figota e mafai ai ona fa'aleleia nisi o vaega o le gataifale ua afaina. O le a fanafanau ma tautu'ufua i'a ma figota o lo o aumau i le vaega fa'asaoina ma tafea atu o latou fua fanau ma fa'atupuina ai, nisi meaola fou i nofoaga ua le maua ai ni i'a ma figota. O le a le pine ona manuia ai i tatou ae fa'apea foi tupulaga o le lumana'i.

Fuafuaga faataatitia a le Afio'aga

O le afio'aga o le a latou filifilia se vaega o le gataifale e fa'atinoina ai le vaega fa'asaoina. O le a latou fausiaina foi tulafono e fa'asaina ai ni faigafaiva ona fa'atinoina i lea vaega. O le afio'aga foi latou te mata'ituina ma faamalosi tulafono a le afio'aga.

Tulafono:

Ua matua faasaina lava ona toe faatinoina soo se ituaiga faigafaiva i lenei vaega o le gataifale o le a faasaoina.

Faasalaga:

O le solia o lenei tulafono e so'o se tagata o le afioaga e \$200.00, ao nuu tuaoi e \$500.00. A le usitaia lenei faasalaga o le a molia sa'o i le Tulafono o Faigafaiva a le Malo o Samoa.

Fuafuaga faataatitia a le Vaega o Faigafaiva:

O le a fesoasoani atu le Ofisa i le faatinoina o le iloiloga o le tulaga talafeagai o le gataifale mo se nofoaga faasaoina. E le gata i lea a o le tu'uina atu o fautuaga ma faamatalaga mo le tausiga, pulea ma le va'aia o le nofoaga faasaoina o le gataifale o le afio'aga. E fesoasoani atu foi le Ofisa i le tapenaina o tulafono e puipuia ai le nofoaga faasaoina.

8.6 Ia iloiloina tulaga talafeagai o le gataifale mo le faasaoina.**Otootoga**

O se vaega o le gataifale ua faasaoina e tatau ona le toe aafia ai ni faigafaiva. O le avea o se vaega o le gataifale ma nofoaga faasao, e mafai ona malu puipuia ai le siosiomaga o le gataifale ma ona tamaoaiga i figota ma i'a aemaise o 'amu. O lenei nofoaga faasao o le a faasaoina ai amu, 'aau, figota faapea foi ma i'a ina ia mafai ona maua e nei meaola le avanoa e tautuufua ma fanafanau ai. O le autu taua lava, o le a avea lenei faasao ma punaaga o i'a ma figota e mafai ai ona toe faaleleia nisi vaega o le gataifale ua afaina. E le gata i lea o le a fanafanau ma tautuufua i'a ma figota o loo aumau i le nofoaga faasaoina ma tafea atu o latou fua fanau ma faatupuina ai nisi meaola fou i nofoaga ua le maua ai nei i'a ma figota. O le a le pine ona manuia ai i tatou ae faapea foi tupulaga o le lumanai.

Fuafuaga faatatitia ale Afio'aga

O le afio'aga e ao ona:

- Galulue faatasi ma lagolagosua i le afaigaluega a le Vaega o Faigafaiva, i le faatinoina o le iloiloga o le tulaga talafeagai o se vaega o lona gataifale, e avea ma nofoaga faasaoina.
- Talanoaina ma auiliiliina le lipoti ma ia faia se faaiuga i le faavaeina o le nofoaga faasaoina.
- Saunia faailoilo e pei o laau, pole poo nisi lava faiga talafeagai mo le faailogaina o le vaega ua faamautuina ma pasiaina.

Afai ae finagalo le fono i se tasi, poo fuafuaga uma ua taua:

- Ia faatinoina loa fuafuaga mo le faavaeina o le nofoaga faasao e pei o le mataituina, tausiga ma le vaaia lelei o se vaega ua atofaina.

Fuafuaga Faataatitia a le Vaega o Faigafaiva

O le Vaega o Faigafaiva o le a:

- Faatinoina le suesueina o se vaega o le gataifale e avea ma nofoaga faasaoina.
- Saunia le lipoti mo le tuuina aloaia atu i le Komiti mo le Vaaia lelei o i'a ma figota (KFVL) mo le Fono a le afio'aga.

Afai ae finagalo le fono i se tasi, poo fuafuaga uma ua taua

- Pe a tusa ai, o le a tuuina atu ni fautuaga ma ni faamatalaga mo le tausiga, pulea ma le vaaia o le nofoaga faasao o le gataifale o le afio'aga.

8.7 Talosaga:

O nei talosaga sa mafai ona tuuina mai e sui ole afio'aga sa auai i fonotaga ma le Vaega o Faigafaiva i taimi o faatalatalanoaga i vaega e tolu. O talosaga uma foi la ua tuuina mai sa faamautuina e le Komiti (KFVL) i le latou fonotaga ma le Ofisa. Pe a talafeagai ai, o nei talosaga o le a mafai ona iloiloina e le (KFVL) i le latou fonotaga ma le Vaega o Faigafaiva mo le faataunuuna pe a mae'a le taliaina o lenei tusi e le pule mamalu a Alii ma Faipule i le Fono tele e faia i le aso 26 Aperila 2006. O talosaga uma sa tuuina mai o loo faailoa atu i lalo;

- (a). Faisua
- (e). Ogasami faasao mo i'a ma figota.
- (i). Aliao.
- (o) isi figota

8.8 Maliliega:

Ua i ai le maliliega o le a galulue so'oso'o tauau uma vaega i le puipuiga o le siosiomaga o le gataifale mo le manuia o tagatanuu o le afio'aga aemaise o tupulaga o le lumanai. O lea manuia e mafai ona maua pe a faatinoina uma fuafuaga faataatitia ua tamauina i Fuafuaga Tatau mo le Pulea ma le Vaaia lelei o i'a ma figota o le afio'aga.

8.9 Toe iloiloina o lenei Fuafuaga Tatau

Otootoga

O le toe iloiloina o lenei Fuafuaga Tatau o le Vaaia Lelei o i'a ma figota o le afio'aga e sailia ai le agai i luma o le polokalame i totonu o nuu ma afio'aga, aemaise se auiliiliga maumaututu i le tulai mai o galuega fai a le afio'aga ma le Vaega o Faigafaiva i le faataunuuna o Fuafuaga Faataatitia e pei ona taua i luga. O lenei foi iloiloiga e lipotia ai le alualu lelei ma ni faaletonu i totonu o le Polokalame talu ona faavaeina i totonu o afio'aga. E le gata i lea o ni vaega e fia faia iai ni suiga fou e pei o le toe teuteuina o tulafono ma le faamautuina o matafaioi a itu uma o le polokalame.

Fuafuaga faataatitia a le Afio'aga ma le Ofisa o Faigafaiva

Ua i ai le maliliega a le Komiti (KFVL) a le afio'aga ma le Vaega o Faigafaiva o le a toe auiliiliina lenei Fuafuaga Tatau pe a maea le ono (6) masina talu ona pasia lenei tusi i le Fono Tele. O le a feutaga'i lava le Vaega o Faigafaiva ma le Tofi o le afio'aga ma le Komiti i se aso o le a atofaina pe a atoa le ono (6) masina.

8.10 Upu Mulimuli:

O le auai o le afio'aga o Sapini i Faga i le Polokalame mo le Pulea ma le Vaaia Lelei o l' a ma Figota ua mautinoa le manuia ole afio'aga i ni tausaga o i luma. O le manuia ma le alualu i luma o lenei polokalame e faalagolago tele i le galulue faatasi o le afio'aga; i le Pule Mamalu a Alii ma Faipule, Komiti a Tina, Aumaga aemaise o le Malo e tau ala mai le Vaega o Faigafaiva i le faatinoina o fuafuaga faataatitia ua mae'a soalaupule i le tele o fonotaga ma faatalatalanoaga sa faia.

O lenei polokalame o se galuega e umi se taimi e faaatali ai ni tali faaaliali ma sona lelei, o lea e taua ai mo le silafia e tagatanuu o le afio'aga. O i latou o le a talisapaia ma 'ae'ae i nei manuia o tupulaga o le lumanai o le afio'aga. O lea ua a'e ai se tofa i le Afio'aga e faia se polokalame fa'apenei a le Malo e fesoasoani ai e toe tapu'e mai le sosia o le tamaoaiga o le gataifale o le afio'aga ua tauau ina mou atu.

9 Faamatalaga 1 :

Faamataga e uiga i le afio'aga o SAPINI I FAGA.

1. Faitau aofai o tagata.

Aofaiga o matai.- 16

Aofaiga o aumaga - 20

Aofaiga o faletua, tausi , aualuma -15

Aofaiga o tamaiti, - 53 (fua faatatau)

2. Ituaiga o Ekalesia

✓ Katoliko

✓ Penetekoso

3. Aoga

✓ Tulaga lua

4. Siosiomaga o le gataifale.

..... Umi o le aau	150 mita
..... Mamao o le aau ma le matafaga	200 mita
.....Loloto o le vaega aupito sili ona loloto o le aloalo pe a pe le tai	8 futu
.....Papa'u o le vaega aupito sili ona papa'u o le aloalo pe a pe le tai	7 futu

5. Nisi Faamatalaga

➤ Toatele o le afio'aga ua aumau i atunu'u mamao

➤ Maopopo faiganu'u i Alii ma Faipule, Aumaga ma le Komiti a Tina ma Tamaita'i

10 Faamatalaga 2: Ituaiga Faigafaiva e fa'atinoina i aso uma

Ituaiga	Taimi fa'aalu (tasi/ova ma le tasi le aso i le vaiaso)	O ai e masani ona fa'atinoina nei faigafaiva			O le fa'aaogaina o i'a/figota maua		
		Ali'i	Tama'ita'i	Tamaiti	'Aiga	Fa'atau	'Aiga/Fa'atau
Maulu & matatao		✓					✓
Ofe		✓			✓		
Upega / Ala (afa toso)		✓					✓
Aoina o figota			✓	✓			✓
Nisi Fa'amatalaga <ul style="list-style-type: none"> ❖ Faigafaiva ua fa'asaina – 'ava niukini, fanai'a, saeuga/tu'iga/fa'amo'a. ❖ E le o fa'asaina foi tagata mai isi afio'aga ona fagotaina gataifale o Sapini. 							

11 Fa'amatalaga 3: I'a ma Figota

Ituaiga i'a	Ituaiga faigafaiva	Taimi fa'aalu i fagotaga mo se tau'i'a	
		Taimi nei	30 tausaga
Tuuu	matatao	1 itula	15 minute
Pone	Maulu/matatao	3 itula	½ itula
Mata'eleele	Upega	3 itula	½ itula
Gatala	Maulu/matatao/ofe	3 itula	½ itula
Malau	Maulu/matatao	2 itula	½ itula
Lalafi	Maulu/matatao	2-3 itula	1 itula
Fugausi	Maulu/matatao	2-3 itula	½ itula
Ituaiga figota			
Alili lapo'a	Lama	3-4 itula	1-2 itula
Faisua	Maulu/ao/fasi	3-4 itula	1-2 itula
Tuitui	Maulu/Fao	1 itula	½ itula
Pipi tu	Eli	1 itula	½ itula

Nisi fa'amatalaga:

- ❖ Nofoaga fa'asao: e le'i amataina

12 Fa'amatalaga 4: Tulafono a le Afio'aga i le puipuiga o le gataifale

O tulafono ua taua i lalo ua mata'ituina e le afio'aga mo le puipuiga o tamaoaiga ma le siosiomaga o le gataifale.

1. Ituaiga faigafaiva ua fa'asa ona toe fa'atinoina i gataifale o Sapini i Faga

- ❖ 'ava niukini
- ❖ Fanai'a
- ❖ Vailaau oona

13 Fa'amatalaga 5: Fa'amatalaga ma fa'amaumauga sa aoina i taimi o fa'atalatalanoaga i vaega e 3.

Ta'ita'i fa'atalatalanoaga: Mamoe / Maatui / Isaia
Tusia fa'amaumauga: Totive / Taumaoe / Ferron
Aso na faia ai: 8/03/2006

AUTU: "PUIPUIGA O LE SI'OSI'OMAGA O LE GATAIFALE"

‘Aafiaga:

- Faaitiitia taumafa sami
- Tele le taimi fa’aalu i fagotaga
- Aafia le soifua maloloina
- Faaitiitia tupe maua.

Faafitauli: Faaitiitia i’a ma figota i gataifale o Sapini i Faga

Mafuaaga:

- Tau leai ni amu ola
- Mala faa-natura (matagi/afa/lologa ma isi)
- Faigafaiva le talafeagai (fanai’a/’ava niukini)
- Faaleagaina amu ona o fagotaga
- Toatele tagata fagogota
- Tele alamea e pepe ai ‘amu

TALI FA’AFITAU LI: Fa’ateleina i’a ma figota i le gataifale o Sapini i Faga

Fofo o Mafuaaga:

- Faateleina o amu ola
- Mana o talosaga e talosia ai le siosiomaga o le gataifale
- Faasa faigafaiva le talafeagai (fanai’a/ava niukini)
- Taofia faigafaiva e fa’aleagaina ai amu ma aau.
- Aoina alamea

Fa’atinoga: (E faapefea ona fa’atino?)

- Fa’asao amu e ala i le faia o se Ogasami Fa’asao
- Talosaga mo mala faanatura i taimi o talosaga a aiga taitasi
- Faia tulafono e fa’asaina ai faigafaiva le talafeagai
- Faia ni polokalame e unaia ma faamalosi ai faiva i tuaau
- Faia ni fautuaga ina ia aoina mai i uta alamea pe a vaaia i taimi o fagotaga

O ai e faatinoina:

- Pulega a Alii ma Faipule
- Faletua ma Tausi
- Aumaga ma tagatanu’u uma
- Vaega o Faigafaiva (sui o le Malo)

Talosaga a le afio’aga:

- Nofoaga fa’asaoina mo i’a ma figota
- Fa’a-fa’atogaina o le faisua, ‘aliao ma isi figota
- Fa’alateleina le tomai i nisi o agavaa faa-faifaiva

14 Fa'amatalaga 6:

Sui o le afio'aga sa auai i faatalatalanoaga

Matai:

Galumalemana Ioane	Ivā Tautai	Fagā Nuulelei
Unasa Lemaua	Tuileutu Alavaa (<i>Pulenuu</i>)	Tagaloa Ueli
Unasa Uluniu	Fuifatu Tanielu	Afulilo Sanele
Unasa Saio	Nuutofi Lemoa	Latu Ierome
Muliaga Tuupo	Vaasili Tauī	
Pule Uelese	Fagā Samuelu	

Komiti a Tina:

Eseta Fagā Nuulelei	Fale Fuifatu	Seela Fagā Samuelu
Vi Iosua	Mafa Fagā	Fiapito Nonumalo
Logo Vaamailalo	Leulumoega Unasa	Palo Fagā
Lakena Anelū	Peaua Uelese	Tauva Unasa
Rosita Sa	Lagi Emosi	Faailoga Ivā

Aumaga:

Naseri Pe'ape'a	Elia Unasa	Sa Taito
Ina Satuatasi	Vii Unasa	Emosi Nonumalo Afoa
Pio Su.	Anelū Enoka	Lugalevai Unasa
Kereti Unasa	Peni Iosua	Eli Fuifatu
Pelenato Unasa	Junior Pauli	Laulauga Tavui
Solomona Nonumalo	Leti Sa	Saio Nonumalo
Mamoe Iosua	Vise Iosua	